

## Íocadh Críost cumaoin a mháthar

[Mac Cionnaith, L. *Dioghlum Dána*, Dublin, 1938, poem 30]

1 Íocadh Críost cumaoin a mháthar  
mór re a dhíol a ndearna sí;  
an chíoch asa teann ar dtagra  
gearr ó fríoth re hagra hí.

2 Measfaidh cumaoin cích a mháthar,  
measadh sain a n-uair dá ulc;  
naoi míosa do bhí 'n-a bruinne  
íosa ní as uille 'n-a hucht.

3 A beith n-a hóigh d'éis a toircis  
fa tualaing saor na sé gclann;  
teacht i gclí d'oidhre na hóighe  
do bhí coimhdhe a hóighe ann.

4 Tar éis ar fhear d'fhuil an chridhe  
cneadh an taoibh fa tobar díosg;  
go rug an bás céim 'n-a choinne  
a ghrás féin fa choille ar Críosd.

5 Ní dhiongna Dia an dícheall céadna  
do chloinn Éabha - is adhbhar sgís;  
tús an dubhaidh a-tá ag teachta  
gan lá turaidh reampa a-rís.

6 Cia nach daor ó na deich n-aithnibh  
uan Muire dá maithe an pháis;  
a dtéid liom go lá na deaghla  
a-tá im chionn ar bearna an bháis.

7 An mac do mhéaduigh a huaisle  
óighe a mháthar nír mhill sé;  
a glún dá heidhir do b'iomdhadh  
gur dhún gheimhil diomdhadh Dé.

8 Do cheannaigh - fa cunnradh sochair -  
síoth a dalta ar a deoir ndeirg  
go bhfuair féin croidhe dar gcoimhéad  
Moire ag béin fhoighéag dá fheirg.

9 Mar fuair an lot do Long-ínus  
grása Dé re ndul fan lia  
ní as tinne ná mo lucht leasa  
do-rinne an t-ucht deas-sa ar Dia.

10 A-tá ag an óigh iúl na sligheadh  
dá seachna an Coimdhe cur linn;  
grása ar seathar seol an arthraigh  
eathar i mbeol anfaidh inn.

11 Guin an chló do-chuaidh 'n-a throighidh,  
trom re híoc i n-aice ar ngníomh;  
ní hurra an chlí ris na ceanaibh  
is cuma dhí a ndleaghair díom.

12 A adhbhar d'iomchar na croiche  
i gcoinne an bháis do bhí ag drud;  
do bhí teas na ngrás 'ga gharadh  
bás don treas tamhan go dtug.

13 Dá mbeinn saor ó na seacht bpeacthaibh  
páis an mheic do mhaithfeadh sé;  
luach an deilge dhó dá ndearnainn  
do b'fheirrde cló i ndearnainn Dé.

14 Go dtiocfa mar tháinig roimhe  
rádh gach eolaigh -ní hiúl cam;  
biaidh dhod sgáth ar na sé sluaghaibh  
nach é an tráth as uamhain ann.

15 Mithidh liom leanmhain a éarca  
áladh an chroinn do-chuaidh tríbh;  
do chionn a mhaithmhe, a Dhé, dham-sa  
ní mhaitfe mé an crann-sa id chígh.

16 Gé thugais linn do lá bágha  
beag an éaraic iarrfa id ghuin;  
ní móide díol th'fhala a huaisle  
dá bhfagha síodh uaim-se it fhuil.

17 Do chneadha doimhne, a Dhé Athar,  
eihreacht cáigh do cheannaigh siad;  
ceannchaidh crú th'álaidh an uile  
's nír shlánuigh tú uile iad.

18 A-tá 'n-a thosd ar tí ar meallta  
móide an baoghal bheith 'n-a fhail;  
nochar an tu-sa ar an talamh  
an usa dhamh anadh air?

19 Do mháthair nír mhaol a cumha  
an cíoch gonta gur ghabh táth  
gur bh'uisge ionnlaidh dhí a deora;  
do bhí ar th'iomdhaidh teora thráth.

20 Do chaoin an ógh d'fhuil a croidhe  
cneadh an bhuinn do bhí fan chló;  
ní i n-aisgidh do bhí ga bosaibh  
t'fhaigsin, a rí, id chosair chró.

21 Eigean dúinn déanamh 'n-a éagmhais  
gidh é an cruinne carthar linn;  
a-tám a-moigh feadh na fáilte  
goir go teagh na sláinte sinn.

22 Do ghabh Muire Magh-da-léana  
leat, a Dhé - gár dheacra ar gclódh?  
dar leat do budh usa mh'fheacadh  
do fheac tu-sa ón pheacadh Phól.

23 Gér mhó martra meic na hóighe  
is ionráidh re hearla nocth;  
“bás do bhráthar duid gér dhoiligh  
cuid máthar dá oighidh ort.”

24 Ceilt an mheic i measg a námad  
do-ní an ógh fa híseal sdair;  
do b'eagail lé teachta thairsibh  
feaarta Dé nar fhaillsigh air.

25 Long an anma d'éis a seolta  
- seol an arthraigh budh í an pháis -  
is baoghlach mo leabaidh luinge;  
eagail saobhshruth buinne an bháis.

26 Ní mó ná beo do bhí an ríoghan;  
rí an talmhan gér thruime a phian  
a ghoin fa martra le Muire;  
nír oil dalta roimhe riamh.

27 Do bhí an diomdha ag fadódh fúithe  
fearg an mheic gur maoladh lé;  
soghuidhe an rí tres an ríoghaín  
sí ag forfhaire ar dhíoghail nDé.

28 Gin go mbeath liom lá na breithe  
buime mhúinte mheic an ríogh  
a-tá a grás 'ga char 'n-a chrithribh  
nach cás damh a ndlighthir díom.

29 Tig 'n-a luighe ar leic a dalta  
i ndiaidh íosa d'éirghe ón uaigh;  
do chreid Moire a theacht ó thalamh;

croidhe ón fheart fhalamh ní uair.

30 Nír fhulaing ar eagla a ghonta  
grása Dé do dhul i ndíosg;  
mac na hóighe i gclí gur cuireadh  
do bhí a hóighe ag cuireadh Críosd.

31 Do chloinn Ádhaimh gidh é as coimhéad  
créachta an bhuinn - ní beag an tóir -  
is í a pháis do chách bhus conair  
áth an bháis madh domhain dóibh.

32 A fhir nach adaimh a cheana,  
ceilt an uilc ní headh budh dú  
- féach an corp a-tá 'n-a thaisibh -  
th'olc an lá do thaisigh tú.

33 A hosnaidh re hucht na croiche  
cneadh a mheic fa móide a nimh;  
fuair do mhartra is í 'n-a fhochair  
dí nar dhalta sochair sin.

34 Do íoc ar gcuid do chion Eabha  
oidhre Dé do dhiúl a cíoch;  
nús a bhuime a-tá 'ga thairmeasg  
ruinn-ne an lá as aimhleasg a fhíoch. Íoc.

35 A Mhíchíl, a mhaoir an Dúilimh,  
díol mo cheana ná cuir díot;  
ó taoi ar mo sgáth id sgiath dhaingean  
is tráth m'fhiach, a aingeal, d'íoc. Íoc.